

SIDA LOO

Buuxiyo Form I-9 (Foomka I-9)



Guudmarka

Form I-9 (Foomka I-9) waa foom sharci oo caddeeya aqoonsigaaga iyo xaaladaada shaqo si markaas si sharci ah laguugu shaqaalaysiiyo oo aad u shaqayso. Adiga iyo Loo-shaqeeyaha Maamulka Leh (Macmiilka ama Wakiilka La Oggalyahay) labadiinaba, ama Wakiilkooda, ayaa la idinkaga baahan yahay inaad buuxisaan qaybo kala duwan oo ka mid ah foomkan.

Tillaabooyinka loo marayo hannaankan ayaa ah sida soo socota:

1. Buuxi hawsha Xog-uruurinta DocuSign I-9 ee Workday.
2. Ku buuxi Qaybta 1 ee Form I-9 (Foomkaaga I-9) elektaroonig ahaan adiga oo isticmaalaya DocuSign.
3. Loo-shaqeeyahaaga Maamulka Leh/Wakiilka ayaa buuxin doona Qaybta 2 ee Form I-9 (Foomkaaga I-9) elektaroonig ahaan iyaga oo isticmaalaya DocuSign.
 - Liiska [Dukumiintiyada La Oggolayahay](#) ee ku jira hagahaan ayaa kaa caawin doona inaad ogaato noocyada foomamka aqoonsiga ee loo adeegsan karo caddaynta.

OGOW: Ma bilaabi kartid inaad daryeel siiso Macmiil adiga u shaqaynaya CDWA ilaa iyo aad ka hesho taariikhda aad Diyaar u Tahay Inaad Daryeel Bixiso.

Jadwalka Tasmada

Hawsha Workday: Xog-uruurinta DocuSign I-9	2
Guudmarka	2
Tilmaamaha	2
U buuxinta Form I-9 (Foomka I-9) Adeeg Bixiye Shaqsiyadeed ahaan	2
Tilmaamaha	3
U buuxinta Form I-9 (Foomka I-9) Loo-shaqeeyaha Maamulka Leh/Wakiilka ahaan	4
Tilmaamaha	5
Dukumiintiyada La Oggolayahay iyo Maamulada Bixiya	6
Liiska A	7
Liiska B	7
Liiska C	8
Su'aalaha Inta Badan La Isweeydiyo	9

Xog-ururinta DocuSign I-9 ee Workday

Guudmarka

Waxaa shaqo lagu soo gelin doonaa Workday si aad u dhamaystirto. Tani waxay u shegaysaa DocuSign halka loo dirayo Qaybta 2 ee Form I-9 (Foomka I-9) si loo buuxiyo.

Qaybta 2 ee Form I-9 (Foomka I-9) waxaa QASAB ah inuu buuxiyo qof aan adiga ahayn. Ha gelinin macluumaadkaaga hawshan. Maamulayaasha Kiiska ayaa sidoo kale awood aanan u lahayn inay buuxiyaan Qaybta 2. Ha gelinin macluumaadkooda hawshan.

Tilmaamaha

1. Fur hawsha Xog-ururinta DocuSign I-9 ee ku jirta Workday.
2. Geli Magaca Koowaad iyo Magaca Awoowga ee Loo-shaqeeyaha Maamulka Leh/Wakiilka.
 - Kani waa ahaadaa qof aan adiga ahayn.
3. Geli cinwaanka iimaylka ee Loo-shaqeeyaha Maamulka Leh/Wakiilka.
4. Geli lambarka taleefonka ee Loo-shaqeeyaha Maamulka Leh/Wakiilka. **Lambaro kaliya.** Geli lambarka taleefonka (haddii la helikaro) si loogu diro Form I-9 (Foomka I-9) iimaylka iyo fariin qoraal ahaan. **Ha isticmaalin wax xariijimo ah ama calaamado kale.**
5. Guji badhanka **Submit (Gudbi)**
6. Hawshaada xigta ee Workday ayaa sharaxaad ka bixin doonta tillaabooyinka la qaaado si loo buuxiyo Form I-9 (Foomka I-9). Si taxadar leh u akhri oo guji badhanka **Submit (Gudbi)** ee ku yaala salka hoose ee bogga.


U BUUXINTA FORM I-9 (FOOMKA I-9)

Adeeg Bixiye Shaqsiyadeed ahaan

Waxaad iimayl iyo/ama fariin qoraal ah ka heli doontaa Consumer Direct Care Network Washington (CDWA) kaas oo aad ku helayso DocuSign ka dib markaad gudbisno hawshaada Workday.

Guji badhanka **Review Documents (Eeg Dukumiintiyada)** ee ku jira iimaylka ama gujo-raaca ku jira fariinta qoraalka ah. (Sawirka. 01) Tan waxay ku gaynaysaa DocuSign si aad u buuxiso Qaybta 1 ama Form I-9 (Foomkaaga I-9).


***OGOW:** Loo-shaqeeyaha Maamulka Leh/Wakiilka ayaa buuxin doona Qaybta 2 ee Form I-9 (Foomka I-9). Ma buuxin kartid Qaybta 2 ee Form I-9 (Foomkaaga I-9) adiga.



Sawirka. 01

Qaybta 1 ee Form I-9 (Foomka I-9)

1. Ku dhufo xiriiriyaha lagu galo dukumiintiga Shaacinta Diiwaanka iyo Saxiixa Elektarooniga ah si aad u eegto bayaanka shaacinta ee DocuSign. (Sawirka. 02)
2. Calaamadee sanduuqa **Waan oggolahay**.
3. Dooro badhanka **Continue (Sii Soco)**.



Sawirka. 02

Waxaad hadda bilaabi kartaa inaad buuxiso Form I-9 (Foomka I-9).

TALO: Inaad ku dul wareejiyo muuskaaga meel ayaa soo saari doonto qoraalka caawinta. Si aad u aado meesha banaan ee xigta, riix badhanka tab ama guji **Next (Xiga)**.

4. Xaqiiji in magacaaga, cinwaanka gurigaaga, iyo taariikhda dhalashada ay ka saxan yihiin foomka. (Sawirka. 03)
 - Haddii aad u baahan tahay inaad wax saxdo, waxaad sidoo kale u baahan inaad ka saxdo Workday.
5. Buuxi meelaha banaan ee loo baahan yahay ee aan is-buuxinin.
 - Ma jirto meel banaan oo laaga tagi karo. Ku qor N/A meesha aadan xog ku habboon u haynin (tus. magaca aabaha, magaca kale ee qoyska, apt. lambarka, iwm.)
6. Dooro xaaladaada dhalasho ama degenaansho. Dooro goobaabada ku xigta nooca aad adiga tahay.
 - Geli lambarada dukumiintigaaga iyo taariikhda dhicitaanka dukumiintiga, haddii ay habboon tahay.

Sawirka. 03

Saxiixida Qaybta 1 ee Form I-9 (Foomka I-9)

7. Dooro sawir calaamadeedka **Sign (Saxiix)**. (Sawirka. 04)
8. Ku saxiix magacaaga qaybta Lagu soo bandhigo saxiixa. (Sawirka. 05)
 - Saxiix adiga oo isticmaalaya fartaada ama qalin haddii aaladaada ay leedahay shaashad wax lagu qori karo.
 - Isticmaal muuska ama aalada saxiixa ee elektarooniga ah haddii aadan haysanin shaashad wax lagu qori karo.
9. Dooro **Adopt and Sign (Qaad oo Saxiix)**. (Sawirka. 05)



Sawirka. 04

Sawirka. 05

Adeegsiga Diyaariye iyo/ama Turjubaan

10. Dooro goobaabada si aad u muujiso haddii uu qof kaa caawiyay ama uusan kaa caawinin inaad buuxiso foomkan.

- Haddii aad doorato haa, Diyaariyaha iyo/ ama Turjubaanka waa inuu buuxiyo qaybta oo uu saxiixo. (Sawirka. 05)

Preparer and/or Translator Certification (check one): I did not use a preparer or translator. A preparer(s) and/or translator(s) assisted the employee in completing Section 1.
(Fields below must be completed and signed when preparers and/or translators assist an employee in completing Section 1.)

I attest, under penalty of perjury, that I have assisted in the completion of Section 1 of this form and that to the best of my knowledge the information is true and correct.

Signature of Preparer or Translator Today's Date (mm/dd/yyyy)
11/8/2021

Last Name (Family Name) First Name (Given Name)

Address (Street Number and Name) City or Town State ZIP Code

Sawirka. 05

Gudbinta Form I-9 (Foomkaaga I-9) ee Elektarooniga ah

11. Markaad buuxiso dhammaan meelaha loo baahan yahay, dooro Finish (Dhammee) oo ku taala dhinaca midig ee kore. (Sawirka. 06)

- Waxaa lagu tilmaami doonaa inaad buuxiso meelaha aad ka tagtay ka hor inta aadan bogin.

Document field to add a document OTHER ACTIONS ▾

9-paper-version.pdf 3 of 3

DocuSign Envelope ID: C0320263-0BCD-43DF-882A-6D9E8C8ACDC1B

CONSUMER DIRECT CARE NETWORK

DRIVING /NO DRIVING CONFIRMATION

Sawirka. 06

Waxaad bogtay qaybta IP ee hannaanka DocuSign Form I-9. Qaybta xigta ee tilmaamaha waxaa loogu talagalay Loo-shaqeeyaha Maamulka Leh/Wakiilka si ay u buuxiyaan Qaybta 2.

U BUUXINTA FORM I-9 (FOOMKA I-9)

sida Loo-shaqeeyaha Maamulka Leh/Wakiilka ahaan

Si uu Loo-shaqeeyaha Maamulka Leh/Wakiilka u buuxiyo Qaybta 2 ee Form I-9 (Foomka I-9), **IP-ga waa inuu gacantiisa ku keeno dukumiintiyada oo daabacan.**

- Dukumiintiyada nuqul lagama samayn karo, iskaan lagama soo bixin karo ama laguma soo diri karo onleen ahaan. Loo-shaqeeyaha Maamulka Leh/Wakiilka waa inuu baaro dukumiintiyadaan iyada oo uu goob-joog ka yahay IP-ga.

IP-ga waa inuu keeno hal dukumiinti oo laga soo qaatay:

- Liiska A ama
- Isku soo darida hal dukumiinti oo laga soo qaatay Liiska B iyo hal dukumiinti oo ka socota Liiska C.

Fadlan ka eeg qaybta hagahaan ee ku saabsan [Dukumiintiyada La Oggolyahay](#) wixii macluumaad dheeraad ah ee ku saabsan dukumiintiyada la isticmaali karo.

Xusuusin: Qof aanan ahayn IP-ga waa inuu buuxiyaa Qaybta 2 ee Form I-9 (Foomka I-9). IP-ga iskiis uma buuxin karo qaybtaan.

Qaybta 2 ee Form I-9 (Foomka I-9)


1. Loo-shaqeeyaha Maamulka Leh/Wakiilka ahaan waxaad iimayl ama fariin qoraal ah ka heli doontaa DocuSign markuu IP-ga buuxiyo Qaybta 1 ee Form I-9 (Foomka I-9).
2. Guji badhanka **Review Documents (Eeg Dukumiintiyada)** ee ku jira iimaylka ama gujo-raaca ku jira fariinta qoraalka ah. (Sawirka. 06)
 - Waxaa lagu gayn doonaa foomka DocuSign.
3. Ku dhufo xiriiriyaha lagu galo dukumiintiga **Shaacinta Diiwaanka iyo Saxiixa Elektarooniga ah** ee DocuSign si aad u eegto bayaanka shaacinta. (Sawirka. 07)
4. Calaamadee sanduuqa **Waan oggolahay.** (Sawirka. 07)
5. Dooro badhanka **Continue (Sii Soco).**

Eeg Qaybta 1 ee Form I-9 (Foomka I-9)


6. Xaqiiji in macluumaadka IP-gaaga uu saxan yahay.

Buuxi Qaybta 2 ee Form I-9 (Foomka I-9)

7. Ka dalbo IP-gaaga inuu ku tuso dukumiintiyadiisa **asalka ah** ee Liiska A ama Liiska B iyo C.
 - Xaqiiji in dukumiintiyada la keenayay ku jiraan Liiska [Dukumiintiyada La Oggolyahay](#) ee ku jira hagahaan.
8. Baar dukumiintiyada IP-gaaga si aad u go'aamiso inay dhab yihiin iyo in kale.
 - Waxaad ka tixraaci kartaa Liiska [Dukumiintiyada La Oggolyahay](#) ee ku jira hagahaan.
9. Geli dukumiintiyada IP-gaaga Qaybta 2 ee Form I-9 (Foomka I-9).
 - Dooro goobaabada ku xiga Liiska A haddii IP-ga uu keeno dukumiintiyada Liiska A. (Sawirka. 08)
 - Dooro goobaabada ku xiga Liiska B haddii IP-ga uu keeno dukumiintiyada Liiska A iyo Liiska B. (Sawirka. 08)
10. Ka dooro magaca dukumiintiga ee sida wanaagsan u qeexaya dukumiintiga IP-ga liiska hoos u baxaya ee Magaca Dukumiintiga. (Sawirka. 09)
11. Meesha Maamulka Bixiya, ku qor magaca hay'ada bixisay dukumiintiga. (Sawirka. 09)
 - Eeg Liiska [Dukumiintiyada La Oggolyahay](#) ee ku jira hagahaan.
12. Qor Lambarka Dukumiintiga haddii dukumiintiga uu leeyahay lambar. Ku qor N/A haddii dukumiintiga uusan lahayn lambar. (Sawirka. 10)
13. Qor Taariikhda Dhicitanka ee dukumiintiga. (Sawirka. 10)
 - Dukumiintiyada dhacay lama aqbali karo.
 - Geli N/A haddii dukumiintiga uusan lahayn taariikh dhicitaan.



Sawirka. 06



Sawirka. 07

Sawirka. 08

List B Identity	
Document Title	Driver's license issued by state/territory
Issuing Authority	State of Washington
Document Number	123456789101112
Expiration Date (if any) (mm/dd/yyyy)	9/1/2025

Sawirka. 09

List C Employment Authorization	
Document Title	Social Security card (unrestricted)
Issuing Authority	Social Security Administration
Document Number	123456789
Expiration Date (if any) (mm/dd/yyyy)	N/A

Sawirka. 10

MUHIIM AH: Kaarka Sooshiyaal Sekuuritiga **LAMA** aqbali karo haddii ay ku qoron yihiin waxyaabaha soo socda:

- "Ansax ma ahan in lagu shaqeeyo."
- "Waxaa lagu shaqayn karaa oo kaliya haddii ay oggolaato INS."
- "Waxaa lagu shaqayn karaa oo kaliya haddii ay oggolaato DHS."

Saxiix Form I-9 (Foomka I-9).


14. Dooro sawir calaamadeedka **Sign (Saxiix)**. (Sawirka. 11)

- Ku sawir saxiixaaga shaashada wax lagu qoro adiga oo isticmaalayo muus ama far. (Sawirka. 12)
- Dooro **Adopt and Sign (Qaad oo Saxiix)**.



Sawirka. 11

OGOW: Macmiil ama Wakiil ahaan waxaad tahay Loo-shaqeeyaha Maamulka Leh. Qaybta 2 ee Form I-9 (Foomka I-9) waxaa qasab ah inuu buuxiyo oo uu saxiix adiga ama Wakiilkaaga. Xaqiiji in macluumaadkaaga, mana ahan macluumaadka Maamulaha Kiiska uu ku jiro Qaybta 2. Sida ku cad qaynuunka DSHS/AAA maamulaha kiis ma buuxin karo Qaybta 2.



Sawirka. 12


15. Dooro liiska hoos u baxa ee **Cinwaanka Loo-shaqeeyaha ama Wakiilka La Oggalyahay**.

16. Dooro nooca adiga sida ugu wanaagsan kuu qeexaya ee Wakiilka La Oggalyahay ee CDWA ahaan.

17. Geli **Magaca Awoowgaa**, kadibna **Magacaaga**.

18. Dooro badhanka **Finish (Dhammee)** ee jira dhinaca midig ee kore.

- Waad bogtay haddadan waxaadna xiri kartaa bogga DocuSign.



Sawirka. 13

Dukumiintiyada La Oggolyahay & Maamulada Bixiya

Shaqaalaha waa inay dukumeentiyo u keenaan loo-shaqeeyahooda si ay u muujiyaan aqoonsigooda iyo in loo oggolyahay inay shaqeeyaan.

Loo-shaqeeyaha Maamulka Leh/Wakiilka La Oggolyahay waa inuu baaro dukumiintiyadaan iyada oo uu goob-joog ka yahay shaqaalaha (IP) ee iska leh. Waxaad baari doontaa hal dukumiinti oo laga soo qaatay Liiska A ama isku soo darida hal dukumiinti oo laga soo qaatay Liiska B iyo hal dukumiinti oo ka socota Liiska C, wixii macluumaad dheeraad ah, booqo <https://www.uscis.gov/i-9-central/form-i-9-acceptable-documents>.



Looma baahno inaad tahay khabiirka dukumiintiga:

- Korka ka eeg dukumiinti walbo oo asal ah oo ka yimid IP-ga si aad u go'aamiso haddii dukumiintiga sida suurtoogalka ah uu u muuqdo mid dhab ah oo uu leylahay qofka keensaday.
- Aqbal dukumiintiyada sida suurtoogalka ah u muuqdo inay dhab yihiin ee la xiriira qofka la yimid.
- Diid dukumiinti walbo oo aan u muuqanin inuu dhab yahay ama aan la xidhiidhin qofka wato. Ka dalbo dukumiintiyo kale oo buuxin kara shuruudaha Form I-9 (Foomka I-9).

20230116

6

- Geli magaca dukumiintiga, maamulka bixiyay, lambarka dukumiintiga, iyo taariikhda dhicitaanka (haddii ay jirto) ee dukumiintiyada asalka ah ee uu keenay shaqaalaha.
- Isla qofka baaritaanka ku sameeyay dukumiintiyada shaqaalaha waa inuu sidoo kale buuxiyaa meelaha banaan ee qaybta caddaynta, kadibna uu saxiixaa oo uu tariikheeyaa Qaybta 2 ee Form I-9 (Foomka I-9).

Liiska A: Dukumiintiyada caddeeya aqoonsiga iyo oggolaanshaha shaqada labaduba

Magaca Dukumentiga	Maamulka Bixiyay	Lambarka Dukumiintiga	Taariikhda Dhicitaanka
Baasaboora Mareykanka/kaarka baasaboorka	Wasaaradda Arrimaha Dibedda ee Maraykanka	Loo baahan yahay	Loo baahan yahay, ma dhacsanaan karo
Kaarka Deganaanshaha Rasmiga ah ama Rasiidka Diiwaangelinta Shisheeyaha (Form I-551) (Foomka I-551)	USCIS	Loo baahan yahay	Loo baahan yahay, ma dhacsanaan karo
Baasaboora ajnabi ah oo saaran shaabada I-551 oo ku meelgaadh ah ama calaamada I-551 oo ku daabacan fiisaha muhaajirka ee diijitaalka ah	Wadanka fiisaha ajnabiga laga soo qaatay	Loo baahan yahay	Loo baahan yahay, ma dhacsanaan karo
Baasaboora Ajnabi ah iyo Form I-94/94A (Foomka I-94/94A) oo wata: 1. Isla magaca baasaboorka iyo 2. Ansixinta xaalada soo-galida wadanke ee ku meelgaadhka ah, haddii aysan dhicin	Wadanka fiisaha ajnabiga laga soo qaatay	Loo baahan yahay	Loo baahan yahay, ma dhacsanaan karo
Baasaboorka Dawlada Dhexe ee Micronesia (FSM) ama Jamhuuriyadda Jasiiradaha Marshall (RMI) oo wata form I-94/94A (foomka I-94/94A)	Wadanka bixiyay baasaboorka (FSM ama RMI)	Loo baahan yahay	Loo baahan yahay, ma dhacsanaan karo
Dukumeentiga Ogolaanshaha Shaqada oo sawir leh (Form I-766) (Foomka I-766)	USDHS	Loo baahan yahay	Loo baahan yahay, ma dhacsanaan karo

Liiska B: Dukumiintiyada caddeeya aqoonsiga

Magaca Dukumentiga	Maamulka Bixiyay	Lambarka Dukumiintiga	Taariikhda Dhicitaanka
Shaciga Darawalnimada ama Oggolaanshaha Ardeyga ee ay bixiso Dawlada Marayka	Gobalka Shaciga Darawalnimada laga qaatay	Loo baahan yahay	Loo baahan yahay, ma dhacsanaan karo
Kaarka sharciga ee laga qaatay hay'ad federaal, gobal, ama dawlada deegaanka (oo leh sawir ama faahfaahin jireed, iyo cinwaan guri)	Gobalka kaarka ID laga qaatay	Loo baahan yahay	Loo baahan yahay, ma dhacsanaan karo
Kaarka Sharciga ee Dugsiga oo sawir wata	Dugsiga kaarka ID laga qaatay	Loo baahan yahay	"N/A" waa la aqbali karaa
Kaarka Diiwaangelinta ee Cod-bixiyaha	Degmada ama deegaanka kaarka laga qaatay	Loo baahan yahay	Loo baahan yahay, ma dhacsanaan karo
Kaarka Militariga ee Mareykanka ama Diiwaangelinta Waajibka ah ee Militariga	Qaybta Militariga ee kaarka ama Diiwaangelinta Waajibka ah laga qaatay	Loo baahan yahay	Loo baahan yahay, ma dhacsanaan karo
Kaarka Sharciga ee ku-tiirsanaha Militariga	Qaybta Militariga ee kaarka ID laga qaatay	Loo baahan yahay	Loo baahan yahay, ma dhacsanaan karo
Kaarka Ilaalada Xeebaha Maraykanka ee Merchant Mariner	Ilaalada Xeebaha Maraykanka	Loo baahan yahay	Loo baahan yahay, ma dhacsanaan karo
Dukumeenti Qabiil ee Maraykanka Dhaladka ah	Qabiilka dukumiintiga laga qaatay	Loo baahan yahay	"N/A" waa la aqbali karaa
Shaciga Darawalnimada ee laga qaatay Maamulka Dowladda Kanada	Gobalka ama Deegaanka laga qaatay	Loo baahan yahay	Loo baahan yahay, ma dhacsanaan karo

Liiska B (oo sii socota): Dukumiintiyada caddeeya aqoonsiga dadka ka yar da'da 18 kuwaas oo aan awood u lahayn inay keenaan dukumiintiga Liiska B ee kor ku xusan

Magaca Dukumentiga	Maamulka Bixiyay	Lambarka Dukumiintiga	Taariikhda Dhacistaanka
Diiwaanka dugsiya ama kaadhka warbixinta	Dugsiya diiwaanka ama kaadhka warbixinta laga qaatay	"N/A" waa la aqbali karaa	"N/A" waa la aqbali karaa
Diiwaanka rugta caafimaadka, dhakhtarka, ama isbitaalka	Rugta Caafimaadka, Dhakhtarka, ama Isbitaalka ee diiwaanka laga qaatay	"N/A" waa la aqbali karaa	"N/A" waa la aqbali karaa
Diiwaanka xarunta xanaannada ama dugsiya xanaannada	Xarunta xanaannada ama dugsiya xanaannada ee diiwaanka laga qaatay	"N/A" waa la aqbali karaa	"N/A" waa la aqbali karaa

Liiska C: Dukumiintiyada caddeeya ogolaanshaha shaqada

Magaca Dukumentiga	Maamulka Bixiyay	Lambarka Dukumiintiga	Taariikhda Dhacistaanka
Kaarka Sooshiyaal Sekuuritiga oo aan laga xaddidin shaqada, INS, ama DHS	Maamulka Sooshiyaal Sekuuritiga	Loo baahan yahay	"N/A" waa la aqbali karaa
Rasiidhka Codsashada Kaarka Sooshiyaal Sekuuritiga	Maamulka Sooshiyaal Sekuuritiga	Loo baahan yahay	"N/A" waa la aqbali karaa
Warqadda Dhalashada Wadan Dibadda ah (FS-545, DS-1350)	Wasaaradda Arrimaha Dibadda ee Maraykanka	"N/A" waa la aqbali karaa	"N/A" waa la aqbali karaa
Warbixinta Qunsuliyada ee Dhalashada Wadan Dibadda ah (F-240)	Qunsuliyada Warbixinta laga qaatay	Loo baahan yahay	"N/A" waa la aqbali karaa
Warqada dhalashada oo asal ah ama nuqul la soo ansixiyay oo ay bixisay Dawladda Maraykanka ama maamul, taas oo sidata shaabad rasmi ah	Gobalka warqadda laga qaatay	Loo baahan yahay	"N/A" waa la aqbali karaa
Dukumeenti Qabiil ee Maraykanka Dhaladka ah	Qabiilka dukumiintiga laga qaatay	Loo baahan yahay	"N/A" waa la aqbali karaa
Kaarka Aqoonsiga ee Muwaadinka Mareykanka (Form I-197) (Foomka I-197)	INS	Loo baahan yahay	Loo baahan yahay, ma dhacsanaan karo
Kaarka Aqoonsiga ee Loo Isticmaalo Muwaadinka Deegaananshaha leh ee Mareykanka (Form I-179) (Foomka I-179)	INS	Loo baahan yahay	"N/A" waa la aqbali karaa
Dukumeentiga ogolaanshaha shaqada ee laga qaatay DHS, oo aan ahayn kuwa lagu xusay dukumiintiyada Liiska A	Wasaaradda Amniga Gudaha ee Mareykanka	Loo baahan yahay	Loo baahan yahay, ma dhacsanaan karo

Su'aalaha Qaar ee Laga Yaabo Inaad Ka Qabto Form I-9 (Foomka I-9)

Waxaad macluumaad dheeraad ah oo ku saabsan Form I-9 (Foomka I-9) ka heli kartaa barta uscis.gov/i-9-central.

1. Miyay muwaadiniinta dhaladka ah iyo kuwa aan dhaladka ahayn ee Maraykanka u baahan yihiin inay buuxiyaan Form I-9 (Foomka I-9)?

Haa. Iyada oo muwaadiniinta dhaladka ah iyo kuwa aan dhaladka ahayn ee Maraykanka ay si toos ah xaq ugu leeyihiin inay shaqeeyaan, sidoo kale waa inay la yimaadaan dukumiintiyada loo baahan yahay oo ay buuxiyaan Form I-9 (Foomka I-9), Xaqijinta Xaq u Yeelashada Shaqada. Muwaadiniinta Maraykanka waxaa ka mid ah dadka ku dashay Mareykanka, Puerto Rico, Guam, U.S. Virgin Islands, iyo Dawlada Dhexe ee Jasiiradaha Waqooyiga Mariana. Muwaadiniinta Maraykanka ee aan dhaladka ahayn waa dadka ku nasab sheegta Maraykanka, kuwaas oo ay ku jiraan kuwa ku dhashay American Samoa, oo ay ku jirti Jasiiradda Swains. Muwaadiniinta Dawladaha Federaalka ah ee Micronesia (FSM) iyo Jamhuuriyadda Jasiiradaha Marshall (RMI) ma ahan muwaadiniinta aan dhaladka ahayn, si kastaba ha ahaatee waxay xaq u leeyihiin inay ka shaqeeyaan Maraykanka.

2. Miyaan ka codsan karaa shaqaalaha inuu keeno dukumeenti gaar ah markuu buuxinayo Form I-9 (Foomka I-9)?

Maya. Shaqaalaha ayaa ka dooran kara dukumiintiga uu keenayo Liisaska Dukumiintiyada La Oggolyahay. Waa inaad aqbashaa dukumiinti kasta (oo ka socda Liiska A) ama dukumiintiyada isla socda (mid Liiska B ah iyo mid Liiska C ah) oo ku qoran Form I-9 (Foomka I-9) kuna jira Qaybta 12.0 kuwaas oo sida suurtogalka ah u muuqdo inay dhab yihiin lana xiriiraan qofka la yimid. Si kale haddii loo sameeyo waxay noqon kartaa dhaqan shaqo oo aan cadaalad ahayn oo laxidhiidha socdaalka kaas oo xad-gudub ku ah sharciga takoorka ee INA. Waa inaad ula dhaqmin shaqsiyaadka u qaab eg iyo/ama u muuqada ajnabi si ka duwan marka lagu jiro hannaanka qorista, shaqaaleysiinta, ama hubinta.

Wixii macluumaad dheeraad ah oo ku saabsan takoorka inta lagu jiro hannaanka Form I-9 (Foomka I-9), kala xidhiidh qadka taleefoonka tooska ah ee loo shaqeeyaha IER lambarka 800-255-8155 (TTY ee loogu talagalay dhagoolaha ama dadka maqalka adag: 800-237-2515) ama ka booqo websaydhkooda barta justice.gov/ier.

3. Waa maxay mas'uuliyaddayda iiga aadan dhab ahaanshaha dukumeentiga(yada) uu shaqaalaha ii soo bandhigo?

Waa inaad muuqaal ahaan u qiimaysaa dukumeentiga(yada) asalka ah, oo sida suurtogalka ah ay u muuqdaan kuwo dhab ah oo uu leyahay qofka keensaday, waa inaad aqbashaa. Si kale haddii loo sameeyo waxay noqon kartaa dhaqan shaqo oo aan cadaalad ahayn oo laxidhiidha socdaalka. Haddii dukumeentiga(yada) sida suurtogalka ah aysan u muuqanin kuwo dhab ah oo uu leyahay qofka keensaday, waa inaad aqbalin.

Si kastaba ha ahaatee, waa inaad fursad u siisaa shaqaalaha inuu keeno dukumeentiyada kale ee ku jira Liisaska Dukumentiyada La Oggolyahay.

4. Miyaan ka aqbali karaa nuqulka dukumeenti shaqaalaha?

Maya. Shaqaalaha waa inay la yimaadaan dukumeentiyada asalka ah. Hasha kaliya ee ka reeban waa inuu shaqaalaha keeni karo nuqulka warqada dhalashada oo la soo ansixiyay.

5. Goormee ayay shaqaaluhu keeni karaan rasiidhaha dukumeentiyada baddelki dukumeentiyada dhabta ah ee ku jira Liisaska Dukumentiyada La Oggolyahay?

"Sharciga rasiidka" waxaa loogu talagalay in lagu dabaro xaaladaha qofka shaqaalaha ah loo oggolyahay inuu shaqeeyo wakhtiga shaqaalaynta koowaad ama dib-u-xaqijinta, balse uusan haysanin dukumeentiga dhabta ah ee ku qoran Liisaska Dukumentiyada La Oggolyahay. Ma aqbali kartid rasiidka muujinaya in shaqaaluhu uu codsaday deeqda koowaad ee oggolaanshaha shaqada. Eeg Qaybta 4.3, Rasiidhaha La Oggolyahay, si aad u hesho macluumaad dheeraad ah.

6. Shaqaalahayga cusub wuxuu keenay labo dukumeenti si uu u buuxiyo Form I-9 (Foomka I-9), ku kastana uu leeyahay magaca awoowga oo kala duwan. Hal dukumeenti ayaa ku aadan magaca ay gelisay Qaybta 1. Shaqaaluhu waxay sharraxday inay goor dhaw guursatay oo ay bedeshay magaceeda awoowga, balse aysan weli ka beddelin magaca dukumeentiga kale. Miyaan aqbali karaa dukumeentiga magac kale leh?

Waxaad aqbali kartaa dukumeenti leh magac kale oo ka duwan magaca lagu qoray Qaybta 1 ilaa inta dukumeentigu uu si macquul ah ula xidhiidho shaqaalaha. Waxaad sidoo kale ku soo lifaaqi kartaa qoraal kooban Form I-9 (Foomka I-9) ee shaqaalaha kaas oo sheegaya sababta ay u kala duwan yihiin magacyada, oo ay la socdaan dukumeenti kasta oo taageerayo midaas oo ay keentay. Shaqaalaha ayaa sidoo kale keeni kara dukumeenti lagu taageerayo beddelka magaca, balse loogama baahna inuu sidaas sameeyo. Haddii aad go'aansato in dukumeentiga magaca kale leh uusan sida suurtogalka ah u muuqanin mid dhab ah oo uu leyahay qofka shaqaalaha ah, waxaad ka dalban kartaa iyada inay keento dukumeentiyada kale ee ku jira Liisaska Dukumentiyada La Oggolyahay ee Form I-9 (Foomka I-9).

7. Magaca ku qoran dukumeentiga uu shaqaalahayga keenay wuxuu qoraalkiisa wax yar ka duwan yahay magaca lagu qoray Qaybta 1 ee Form I-9 (Foomka I-9). Miyaan aqbali karaa dukumeentigaan?

Haddii dukumeentiga uu leeyahay kala duwanaansho higaad oo yar, oo qofka shaqaala ah uu sharraxaad macquul ah ka bixiyo kala duwanaanshaha, dukumeentiga waa la aqbali karaa inta aad ku qanacsan tahay in dukumeentigu sida suurtogalka ah u muuqdo inuu dhab yahay oo uu la xiriiro shaqaalaha.